

**ÅRSMELDING
FOR
HJØRUNDFJORD
KYRKJELYD**



Årsmøte 23. mars 2025

ÅRSMELDING 2024

HJØRUNDFJORD SOKNERÅD

Hjørundfjord sokneråd var slik samansett i 2024:

Medlemer:

Gunnhild Hustadnes Myrhol - leiar
Anna Aklestad - nestleiar
Inger Olaus Øye Walseth - medlem
Ole Arne Aklestad – medlem
Audun Moe – medlem
Sølvi Myklebust – medlem
Espen Aarseth – sokneprest, medlem

Vara:

John Aage Solhaug - 1. vara
Øyvind Kriken Fylling – 2. vara
Sander Rem Haugen – 3. vara
Hallvard Aklestad Årseth – 4. vara
Matias Olai Opsal Ville – 5. vara

I Ørsta kyrkjelege fellesråd møter i 2024:

Medlemer er: Audun Moe og Ole Arne Aklestad.

Varamedlemer er: Gunnhild Hustadnes Myrhol og Inger Olaus Øye Walseth

MØTE

Soknerådet har i 2024 hatt 7 møter, og har handsama 49 saker.

Mellom sakene som har vorte handsama er:

Gamalt skåp (gåve) og plassering i kyrkja, gudstenesteliste med offer, økonomi/rekneskap, barnekoret/kyrkjemusikalsk arbeid, barnefestivalen, årsmelding/årsmøte, tilbud til eldre, Diakonutval/Undervisningsutval, Hjørundfjord prestegard.

TILSETTE I KYRKJELYDEN

Sokneprest: Espen Aarseth

Kantorar: Marie Austrheim og John Inge Bjøringsøy

Kyrkjetenar: Flingai Foloboi

Diakonar: Betty Søvik og Knut Stave (slutta i stillinga 01.09.2024)

Kateket: Caroline Sefu

Medarbeidar i trusopplæringa: Kristin Vatne og Kristan Myklebust

KYRKJELEG ÅRSSTATISTIKK 2024

Det var utført 3 dåpshandlingar (2022: 12, 2023: 6) – av desse er 2 ikkje busett i soknet (2022: 6, 2023: 2).

Det var 4 konfirmerte (2022: 5, 2023: 10).

10 vigslar vart utført i soknet (2022: 5/0, 2023: 9/0), 7 var ikkje busette i soknet. 2 av vigslene var på Union hotell Øye.

Det var 11 gravferder i soknet (2022: 15, 2023: 15).

Oppsette hovudgudstenester på søn- og helgedagar var 26 (2022: 26, 2023:26). Av totalt 26 oppsette gudstenester var det planlagt 4 familiegudstenester. Deltakartalet totalt var 1485 (2022: 1312, 2023: 1466) på alle dei gjennomførte gudstenestene. Dette gir eit gjennomsnittleg oppmøte på 57 deltakarar per gudsteneste (2022: 50, 2023: 56). På Julaftan var det 148 (2022: 134, 2023: 192) framsmøtte. Det var 1 konsert/musikkandakt i regi av kyrkjelyden. Det var og 18 (2022: 15, 2023: 18) arrangement i regi av andre, og her møtte 2680 (2022: 4062, 2023: 3832) personar opp.

REKNESKAP

Rekneskapan for 2024 syner eit mindreforbruk (overskot) på kr 2.484,87 som blir å overføre til disposisjonsfond.

Disposisjonsfondet utgjer kr 15 767,33.

Etter at disponering av meirforbruk er vedteke, vil disposisjonsfondet vere på kr 18.252,20.

Soknet har også eit bunde fond til trusopplæring på kr 162.414,82 og eit bunde fond til lyd og bilete på kr 57.167,60.

Offer til eige arbeid: kr 23.275, 51
Offer til andre: kr 41.783,-

Atterhald om at rekneskapen ikkje er revidert.
Revidert rekneskap vil bli lagt fram på kyrkjekontoret så snart den ligg føre.

TRUSOPPLÆRING

Dette er ein rapport om alle trusopplæringstiltaka i Hjørundfjord kyrkje i 2024:

I trusopplæringsåret 2024 har vi fått til nokre bra tiltak og sett i gang nokre nye som har vore i planen lenge men som ikkje vart gjennomført.

0-3 år: Dåpsborna får ein handbrodert dåpsklut, eit bilde med kveldsbøn og eit lys. Det vart delt ut ei fadderpåse med gåve til 1., 2. og 3. dåpsdag. Smekke med «Å du som mettar» til 1. dåpsdagen, boka «Lille Sauen går seg vill» til 2. dåpsdagen og ein matboks til 3. dåpsdagen.

1 år: Babysong: Dette tilbodet for småbarn og nybakteforeldre tilbyr ein plass for samspel mellom barn og foreldre. Barna får utfolde seg gjennom lek, song og fellesskap. Dette er eit samarbeid med Volda kyrkje. Hausten 2024 utvida vi tilbodet slik at det vart eit tilbod på bedehuset på Sæbø med mulighet for eit besøk på Hjørundfjordheimen. Det var sett opp fire samlingar der ein måtte melde seg på på forhånd. 1 av 5 familier med baby i Hjørundfjord brukte tilbodet 1 gang. Etter vurdering er tilbodet avslutta.

4 år: Undretur og 4årsbok: Det vart delt ut bøker til 4 av 9 mulige 4-åringar med undretur i kyrkja i forkant (44% deltaking)

5 år: Kirkerottekino: 5 av 15 moglege(33%) var på filmvisning i kyrkja, og mange hadde også søsken og familiar med.

6 år: Førsteklasses: 7 av 8 Førsteklassingar kom og vart med på gudsteneste og fikk aktivitetsboka «Alle gode ting». (88% deltaking)

8år og 9år: 16 barn fikk invitasjon til Tårnagenthelg. Av desse var det 6 av 6 åtteåringar som kom (100%) og 9 av 10 niåringar som kom (90%)

10 år: Bibelboka: Utdeling av Bibel til 5.klassingar. 5 av 5 aktuelle 5.-klassingar fekk "Bibelen – ei vandring gjennom den store forteljinga" i gåve utdelt i kyrkja. (100 % deltaking)

11år: 15 invitasjonar vart send ut til 10 og 11 åringar. Av desse kom 100% av 10åringane 5 av 5. 50% av 11 åringane kom, 5 av 10.

14år: Konfirmasjon:

- Det vart innskriving av nye konfirmantar i juni– eit forenkla arrangement i kyrkja der 14åringar såg på glimt frå konfirmantåret og registrerte seg.
- Også i 2023 sparka vi konfirmantåret i gang med "Avspark!" på Sæbø. Undervisningsløypa vart forandra frå den tidligare Jesuløypa til smakebiter av alle temane i konfirmantåret.
- Alle konfirmantar vart presenterte for kyrkjelyden.
- Konfirmantundervisningstimar med åtte ulike tema.
Undervisningstema:
 1. Kva er gudsteneste?
 2. Er alt tilfeldig eller godt planlagt?
 3. Kvifor Bibel og misjon?
 4. Den heilage Ande og bøn
 5. Kva ansvar har vi for andre menneske og naturen?
 6. Døden og håpet.
 7. Kvifor syng vi?
 8. Tilgjeving og nåde.
- Deltaking i gudstenesteliv som klokkar. Når konfirmantane får klokketenestelista får føresette ansvar for å lage kyrkjekaffi same søndagen.

- Konfirmantleir vart gjennomført i 2024. 2,5 overnattingsdøgn på Sunnmøre Folkehøgskule utført med hjelp av frivillige ungdoms- og vaksenleiarar og føresette som nattevakter. På konfirmantleir telles 20 av dei 60 timane ein skal ha for å få godkjend konfirmantundervisning i DNK.
- Dør til dør fasteaksjon med bøsse og i tillegg Vippshefter. Vi samla inn Kr.14 274,-
- Konfirmasjon: 4stk vart konfirmert i Hjørundfjord Kyrkje i mai 2024. (50% deltaking)
1 vart konfirmert i 2023. Dei 3 resterande vart konfirmert i Ørsta kyrkje 2024.

Skule-kyrkje samarbeid:

- Det vart skulegudsteneste med dramatisering av påskeforteljinga for 1.-4.klassingar.
- Adventsgudsteneste tidleg i desember vart gjennomført.

Barnehage-kyrkje samarbeid:

- I både før påske og i advent fikk barnehagen invitasjon til vandring og hadde fine stund i kyrkja.

Undervisningsutval:

Undervisningsutvalet har hatt 2 moter i løpet av hausten 2024. Vi er godt i gang med arbeidet.

Trusopplæringskonferansen:

I 2024 var kateket og prest med ansvar for barn og unge med på Trusopplæringskonferansen i lag med frivillig leiar for barnekoret i Vartdal kyrkje. Det var ei inspirerende og lærarrik oppleving. Det vert ikkje trusopplæringskonferanse i 2025 for å finne ut kva form konferansen skal ta framover.

Caroline Sefu, kateket

MINIBOKHANDEL

Minibokhandelen er plassert bakerst i kyrkja. Dette er eit trusopplæringstiltak for alle aldergrupper. Dette er bøker som handlar om kristen tru, og vert kjøpt inn etter innspel og ynskjer. Det ligg ein giro i kvar bok som skal betalast når ein kjem heim. Systemet er basert på tillit, og det ser ut vil å fungere godt. Dette har no óg fått eige VIPPS-nr. Det er ikkje mange som har nytta seg av denne i 2024.

DIAKONI

Diakoni er omsorgstenesta til kyrkja. Diakoni er evangeliet i handling og blir uttrykt gjennom nestekjærleik, inkluderande fellesskap, vern om skaparverket og kamp for rettferd. (Plan for diakoni i Den norske kyrkje, 2020)

Diakonien er heile kyrkjelyden sitt ansvar, men Hjørundfjord sokneråd har eit særleg ansvar for det lokale diakoniarbeidet i soknet. Kyrkja har ei viktig samfunnsrolle med å ivareta mennesker som kjem i ein vanskeleg situasjon og treng omsorg, trøyst og håp når alt synes å vere vondt og vanskeleg. Alt dette er forankra i det diakonale oppdraget med nestekjærleik, vern om skaparverket, inkluderande fellesskap og kamp for rettferd. Arbeidet krev kompetanse, god planlegging og effektivt samarbeid med andre samfunnsaktørar. All diakonal omsorg bygg på gjensidigheit, likeverd og respekt for andre sitt syn og levesett.

Frå september 2023 var diakon Knut Stave i permisjon og Betty A. Ndea Søvik har sidan då arbeidd i 100% stilling som diakon.

Fellesskap

- **Føremiddagstreffa** i Ørsta vart starta opp igjen i 2024, i samarbeid med Ørsta Frikyrkje og Ørsta Indremisjon. Vi formidla at dette var ein open plass for alle som ønsker ein stad å møtast på dagtid i Ørsta, inkludert pensjonistar, uføre, arbeidsledige, heimeverande, foreldre i permisjon med små barn o.s.v. Vi har ein del spel, lego, og leiker tilgjengeleg for barn. Vi oppfordrar deltakarane å ha med handarbeid og vi lagar til små hobbypakker som dei kan kjøpe og lage ting av mens dei er der. Planen var å ha treff kvar 14. dag. Vi hadde fire vellukka arrangementa i 2024.
- **Internasjonalt Språkkafé** er open for alle, og den vart i 2024 heldt kvar torsdag på Kyrkjekontoret mellom kl. 18:00 og 20:00, unntatt i sommarferien og nasjonal- og heilag dagar. Språkkaféen har hatt meir enn 45 regulære deltakarar som har kome til møta når dei vil og når

dei kan. Det er ei god blanding av norske og utanlandske deltakarar, noko som er viktig for at innvandarane skal kunne lære å forstå og snakke norsk.

- I 2024 var mindre grupper av eldre frå Hjørundfjord, Vartdal og Ørsta sokn invitert til kafétreff på Alti og på Fru Svendsen kunst og kultur kafé på fredag ein gang i månaden. Desse treffa har ikkje vore annonsert i avisa. Formålet har vore å kunne møtast til hyggeleg samvær på ein av kaféane i Ørsta og snakke saman. Det var ikkje så mange som deltok, ofte mindre enn seks eldre, men dei som kom hadde ei god stund saman. Føremiddagstreffet som no vert arrangert erstattar delvis behovet for desse eldretreffa.

Besøks- og omsorgsteneste

- Våren 2024 vart Institusjonsandakter haldne kvar veke (unntatt i feriane), og om lag ein gong i månaden på Aktivitetssenteret (Bakk-Ola Marka). Frå hausten 2024 har institusjonsandaktene berre blitt haldne annan kvar veka (for å redusere arbeidsbyrda til prestane). Diakonen kombinerer ofte andaktene med besøksteneste, spesielt til dei som treng personleg besøk. Elles besøker diakonen regelmessig eldre som bur heime åleine.
- Telefonsamtalar har blitt ein enkel og effektiv måte å komme i kontakt med folk på, og dette har eg brukt aktivt for å nå flest mogleg eldre i lokalsamfunnet vårt, spesielt etter utbrotet av Korona. Telefonen gir høve til å ta kontakt med nye personar, og oftare enn ved fysiske møte. Diakonen mottar gjerne tips om folk som kan ha nytte av ei telefonkontakt, eller eit fysisk besøk.
- Etterlatne blei inviterte til helgemessegudsteneste i 2024 per e-post for å spare porto. Sidan dette var første gangen vi sendte invitasjonen per e-post var det problem med å finne alle e-post adresser. Eg måtte involvere Kyrkjedata, og Sekretæren på kontoret sidan ho åleine har administrasjonsrett til denne funksjonen i Kardinal. Det gjekk bra; berre til nokre få personar måtte vi sende invitasjonen med vanleg post.
- Som medeigar i Kirkens SOS, Møre og Romsdal, er den diakonale, døgnopne telefonenesta, ein del av Ørsta kyrkjelyd sitt omsorgstilbod for dei som treng nokon å snakke med. Fleire frivillige trengst til telefon- og/eller chattevakter til kontora i Ålesund og Myrvåg.

Internasjonal diakoni

- Hjørundfjord kyrkjelyd sitt misjonsprosjekt er eit samarbeid med Himal Partner, og har mental helse som fokusområde. Kyrkjelyden må utfordrast til å kjøpe eller donere gevinstar til prosjekts aktiviteten.
- Fasteaksjonen til Kirkens Nødhjelp: Det blei digital dør til dør-aksjon i Ørsta, Vartdal og Hjørundfjord i 2024.
- Diakonen har halde norskundervisning i 2024 som var open for alle eldre ukrainske flyktingar og andre som ikkje fekk tilbod på opplæringssenteret i Ørsta eller for dei som treng meir hjelp med norsk lekser. Etter sommarferien i 2024 var det berre tre nye eldre ukrainarar som nytta seg av undervisninga med diakonen på kyrkjekontoret då alle ukrainar etter kvart har fått tilbod om norsk opplæring på Ørsta opplæringssenter. Under hausten har berre ei dame nytta seg av undervisninga som diakonen held etter klokka fire kvar torsdag, eit tilbod som foregår fortsatt.
- Språkkaféen i Ørsta har blitt svært populært blant innvandarar, men vi treng endå fleire nordmenn og andre som snakkar norsk. Formålet med språkkaféen er å tale norsk saman, hjelpe flyktingane med lekser dei får frå ordinær norsk opplæring, samt å gi dei hjelp med diverse praktiske gjeremål som utfylling av skjema, orientering om det norske samfunnet, korleis delta i ulike fritidsaktivitetar, osv.
- Det er også innvandararar som søker hjelp av diakonen til diverse praktiske problem, inkludert hjelp med å finne bustad.

Diakonane si deltaking i Trusopplæring

- Kvart år har diakonen undervist konfirmantar både i individuelle klasser under året og på konfirmantleir, også i 2024. I arbeidet med konfirmantar har diakonane spesielt peika på den viktige rolla kyrkja vår har i samfunnet når det gjeld å ta vare på naturen og miljøet og våre medmenneske.

Søndagstankar

- I turnus med prestane skriv diakonen søndagstankar i Møre Nytt kvar fjerde fredag. Mange lesarar av Møre Nytt har gitt gode tilbakemeldingar noko som tyder på at søndagstankane vert lest og sett pris på.

Grøn kyrkjelyd og Berekraftsmålar

- Hjørundfjord kyrkjelyd har sidan 2017 vore Grøn kyrkjelyd, med felles handlingsplan; saman med Ørsta kyrkjelyden og Vartdal kyrkjelyd. Å bli ei grøn kyrkjelyd er ikkje ei veldig stor sak, men det er ein del som skal gjerast og det vil nok krevje noko. Utfordringa er å vidareføre måla i handlingsplanen i åra som kjem, og her kan heile kyrkjelyden bidra med å svare på følgjande spørsmål
- Korleis kan diakonien støtte arbeidet med å oppnå berekraftsmåla i vår kyrkjelyd? Korleis kan vi saman oppretthalde det lokale og det globale engasjementet? Prioriterer vi «riktig» i den lokale diakonien? Ser vi etter dei mest marginaliserte og sårbare i vårt samfunn? Ser vi på alle mennesker som ein ressurs?

Takk til alle som har vore med å bære fram diakonien gjennom dette året! Lat oss ta diakonien med i alt arbeid i kyrkja, som ei grunnleggjande haldning og ein måte å leve på, som formar kyrkjelyden, i bøn og i arbeid.

Betty A. Ndea Søvik, diakon

MISJON

Kyrkjelyden har misjonsavtale med HimalPartner, som er ein organisasjon som støttar næringsliv, oppbygging av skular og helsetilbod i Nepal og Himalaya-regionen.

Fokuset til Hjørundfjord kyrkjelyd er Mental Helse, og kyrkjelyden har bunde seg til å gje 4 offer i året til prosjektet, og gjerne ha eigne innsamlingar i tillegg.

BARNEFESTIVALEN

Barnefestivalen vart vart arrangert 2. juni med 4 barnekor: PopKorn, Glød, Mini-glød og Hjørundfjord barnekor. Over 240 deltok på konsert-gudsteneste og misjons-tivoli etterpå. Det vart samla inn over 14.000,- til Himal Partner på arrangementet.

PRESTETENESTA.

Alle prestar er tilsette som sokneprestar i Søre-Sunnmøre prosti, med særskilt ansvar for kvar sine sokn.

I samband med innsparingar i bispedømmet har Prosten i Søre Sunnmøre bestemt at Espen Aarseth frå september 2024 skal vere sokneprest i både Hjørundfjord og Vartdal sokn og Arne Moltubak er sokneprest i Ørsta. Constanze Lindner gjekk over i prestestilling i Volda medan Kristian Myklebust er 40% prest i Ørsta- kyrkjene og har 60% trusopplæring i alle kyrkjene.

Ved gravferd og vigsel har Espen Aarseth og Arne Moltubak frå september 2024 annan kvar tenesteveke i snitt.

GUDSTENESTELIVET.

Biskopen har forordna 31 gudstenester årleg i Hjørundfjord sokn. Tidspunktene for gudstenestene har veksla mellom 11.00 og 19.30, ein sjeldan gong andre klokkeslett.

Det har vore gudsteneste ca annan kvar søndag i Hjørundfjord og Vartdal kyrkje. I samband med endringane i prestenesta har prosten bestemt at det no skal vere gudsteneste ca 3. kvar helg i desse to sokna. Vi prøver å ha dei fleste gudsteneste kl 11.00 då det er best med tanke på oppmøte og høve til dåp.

Konfirmantane tek aktivt del i gudstenestelivet som medhjelparar. Konfirmantforeldre lagar kyrkjekaffi, og vi har på denne måten kyrkjekaffi bakerst i kyrkja på nesten kvar gudsteneste i konfirmant-året.

FRILUFTSGUDSTENESTE

Den 1.september vart det arrangert friluftsgudsteneste og kulturvandring på Trandal i samarbeid med Hjørundfjord kulturvernlag. Det var god oppslutnad og matsal på Christian Gaard etterpå. Opp mot 100 deltok på dette arrangementet i strålende sol.

OPA KYRKJE

Inger Øye Walseth tok på seg å arrangere/administrere «Opa kyrkje», tysdagar og fredagar sommaren 2024, i samarbeid med frivillige.

VIDEO OG LYD

Mange dugnadstimar har vore lagt ned for å få god bilete og lyd til Hjørundfjordheimen, etter at utstyr vart installert. Både lyd og bilete fungerer no veldig bra, men vi er ikkje heilt i mål då streaminga må gå vegen om youtube fram til Tussa installerer eit direktesignal på TV til alle sjukeheimane i Ørsta.

KYRKJEMUSIKK

Kyrkjemusikarar 2024

Marie Austrheim Riise, kantor i 100% stilling.

John Inge Leira Bjøringsøy, organist i 60 % stilling (Delvis i permisjon)

Når mennesket spelar, syng og leikar, lyttar det til lyden

frå skaparverket, gir denne lyden form og tek på den

måten imot Guds gåver. Slik blir vi Guds medskaparar.

Kyrkja forstår difor all kunst og kreativitet som ein del av forvaltaroppdraget.

Når vi utfaldar oss musikalsk, er det både til ære for Gud og til gagn og glede for kvarandre. Alt Gud har skapt, vitnar om hans stordom og herlegdom. Det lèt oss ane at Gud finst.

Gudstenester

Den kristne kyrkja er ei syngjande kyrkje! Når vi utfaldar oss musikalsk, er det både til ære for Gud og til gagn og glede for kvarandre. Gjennom gudstenestene får vi løfte opp vår song, lovprise Gud og uttrykkje og formidle vår kristne tru i eit fellesskap.

I Hjørundfjord sokn tek kyrkjemusikarane del i både planlegging av gudstenester og i arbeidet med å hente inn lokale musikkrefter, i samarbeid med prestar, trusopplærarar og andre tilsette.

Gudstenestereforma legg betydeleg vekt på involvering av frivillige i gudstenestene. Det er svært flott og viktig å utfordre kor, musikarar og solistar til å ta del i gudstenestene, noko vi også gjer i Hjørundfjord sokn. Nokre gudstenester utmerkar seg som særskilte å hente inn eksterne musikkrefter til: konfirmasjon, høgtidsdagar, konfirmantjubiläum og dåpsgudstenester. Likevel spør vi solistar og andre musikarar/grupper/kor om å ta del på heilt «vanlege» gudstenester.

Det er eit særskilt viktig arbeid å invitere inn eksterne og lokale musikarar, kor og grupper på gudstenester. Dette er særskilt viktig i dei mindre sokna. Å invitere med kor og musikarar gjer at fleire kjem til gudsteneste. Det er også svært viktig å trekke inn musikk og kulturmiljøet i Hjørundfjord. Dette er til stor glede og inspirasjon for kyrkjelyden og lokalmiljøet elles. Slik kan vi også lyfte fram unge talent, born og andre som driv med musikk og kunst. Sidan ein av organistane delvis var ute i permisjon dette året, vart det nok dessverre litt færre solistar i 2024 mot året 2023, mykje fordi det var mange tilfeldige vikarar på dei ulike gudstenestene.

Kyrkjemusikk og trusopplæring

Kyrkjemusikk- og kulturverksemd gir eit godt grunnlag for at born og unge kan være deltakarar og ressursar for kyrkjelyden som lærande fellesskap. Denne fellesskapen er ein god arena for læring av bibeltekstar, liturgi og salmar.

I arbeidet med konfirmantar har kyrkjemusikarane eit særleg ansvar for musikkgruppene på konfirmantleir. Desse musikkgruppene førebur seg til gudstenesta på leir og er eit svært kjekt arbeid!

Kantor og organist tek også del i førebuing og gjennomføring av skulegudstenester gjennom året før påske og før jul, i samarbeid med prestar og trusopplærarar. Kantor og organist er også med på trusopplæringstiltak som Lys Vaken, tårnagent, undretur og utdeling av 4-års bok for å nemne nokre arrangement.

Korverksemd: Det er svært gledeleg at ein har fått i gang arbeidet med barnekor i Hjørundfjord sokn. Det er utrolig kjekt at det no er etablert eit foreldrestyrt barnekor som gjer eit fantastisk arbeid. Koret er rett og slett ein kjempesuksess og omlag 20 born er med! Koret har vore med på nokre familiegudstenester i halvåret, samt på konserten «Vi syng og spelar jula inn». Det er svært viktig å ha eit barnekor i soknet og koret har stor betydning for born og familiar på Sæbø og for gudstenesteliv og kyrkjelyden i Hjørundfjord sokn, då særskilt ved familiegudstenester og høgtider. Dette korarbeidet bør ein verkeleg satse på framover! Vi vil rette ein stor takk til frivillige og foreldre som har tatt på seg leiarsansvar og som legg ned mykje tid i dette arbeidet. De gjer ein flott og svært viktig jobb. Tusen

takk! Leiargruppe Hjørundfjord barnekor: Emilie Skår Ville (dirigent), Linn Johanne Berg (dirigent), Regine Aklestad, Anette Dagfinrund, Anna Aklestad, Espen Aarseth.

Hjørundfjord barnefestival:

Det vart ein svært vellukka barnefestival og konsertgudsteneste 02.06.2024. Hjørundfjord barnekor, PopKORn og Barnekora GLØD og MiniGLØD tok del. Det var svært mykje folk på denne gudstenesta, noko som var svært flott. Takk til Rune Mo som laga til og styrte lyd denne dagen. Det kom svært gode tilbakemeldingar om arrangementet, både inne og ute, i etterkant av festivalen.

Vi syng og spelar jula inn

14. desember var det dukka for den tradisjonsrike konsert «Vi syng og spelar jula inn» i Hjørundfjord kyrkje. Det er svært gledeleg at mange lokale grupper og songarar melder seg på konserten. Desse tok del: Sæbø skulekorps/Generasjonskorpset, Mariell D. Moe, Ingrid A. Aarseth, Andakt v/spr. Espen Aarseth, Hjørundfjord barnekor og Hjørundfjord mannskor. Det vart tatt opp kollekt til kyrkjemusikalsk arbeid i Hjørundfjord sokn. Det var svært godt oppmøte blant publikum og det vart ein flott førjulskonsert! Takk til alle som tok del.

Deltaking på gudstenester, konsertar o.l i 2024:

Vi vil rette ei stor takk til alle muskarar, songarar og kor/grupper/korps som har teke del på gudstenester, konsertar og liknande arrangement i Hjørundfjord sokn i 2024. Vi set svært stor pris på at de deltek og vi ynskjer å rette ei stor takk til dykk. De gjer alle ein svært viktig jobb og det er utrolig kjekt å ha dykk med på laget.

Marie Austrheim Riise
Kantor i Hjørundfjord kyrkje,
26.02 2025.

Soknerådet vil få takke alle frivillige og alle tilsette for det arbeidet dei gjer.

TUSEN TAKK FOR INNSATSEN I 2024!